



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-420/10
Sarajevo, 11.3.2010. godine

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO:	12-03-2010		
Organizaciona jedinica	Klasifikaciona oznaka	Radni broj	Broj priloga
01-50-1-15-40/10			

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupnička pitanja – dostavlja se

Vijeće ministara Bosne i Hercegovine, na 116. sjednici održanoj 9.3.2010. godine, utvrdilo je Odgovor na zastupnička pitanja koja je postavio gosp. Momčilo Novaković, zastupnik u Zastupničkom domu Parlamentarne skupštine Bosne i Hercegovine.

U privitku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK

Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-420/10
Sarajevo, 9.3.2010. godine

Momčilo Novaković, poslanik u Predstavničkom domu Parlamentarne skupštine Bosne i Hercegovine, na 70. sjednici Predstavničkog doma Parlamentarne skupštine Bosne i Hercegovine, održanoj 21.01.2010. godine postavio je sljedeća poslanička pitanja:

- „Da li će u 2010. godini biti odobravane kvote na uvoz šećera u BiH i ako hoće na koji način?
- Koji su efekti ranije donesenih izmjena vezanih za uvoz šećera?“

Na postavljena pitanja, Vijeće ministara Bosne i Hercegovine je na 116. sjednici održanoj 9.3.2010. godine, utvrdilo sljedeći

ODGOVOR

Zakonom o dopuni Zakona o carinskoj tarifi BiH TARIFNI ANEKS-TARIFNE KVOTE („Službeni glasnik BiH“, broj 35/09) otvorena je tarifna kvota i utvrđena količina, za tarifnu oznaku 1701 11 10 00 – šećer od šećerne trske u čvrstom stanju, sirovi šećer bez dodatnih aroma ili materijala za bojenje, za rafinisanje, u količini 50 000 tona. Za navedenu tarifnu oznaku je propisano da će Vijeće ministara BiH najviše dva puta u toku kalendarske godine ponoviti utvrđene kvote, ako to budu tražile firme koje imaju kapacitete za preradu ovog proizvoda, instalirane u Bosni i Hercegovini, i ako se proizvod, koji je u pitanju, ne može osigurati po prihvatljivim cijenama na domaćem tržištu. Dalje je propisano da roba koja se stavlja u slobodan promet uz korištenje uvoznih kvota podliježe carinskom nadzoru krajnje upotrebe.

Iz navedenog je jasno da je kvota za uvoz sirovog šećera za rafinisanje otvorena Zakonom koji se primjenjuje od 12.05.2009. godine.

Prema zakonom propisanim nadležnostima Vijeće ministara je obavezno da do kraja novembra tekuće godine donese Odluku o usaglašavanju i utvrđivanju Carinske tarife BiH za narednu godinu, a u cilju izvršavanja obaveza preuzetih u okviru Svjetske trgovinske organizacije i drugih međunarodnih ugovora koje je zaključila Bosna i Hercegovina. Sastavni dio ove Odluke čini i TARIFNI ANEKS-TARIFNE KVOTE.

TARIFNI ANEKS-TARIFNE KVOTE za 2010. godinu sadrži:

- Prema ANEKSU III (e) Privremenog sporazuma o trgovini i trgovinskim pitanjima između Evropske Zajednice i BiH, carinske ustupke Bosne i Hercegovine za primarne poljoprivredne proizvode porijeklom iz EU
- Prema ANEKSU I, PROTOKOLA 6 Privremenog sporazuma o trgovini i trgovinskim pitanjima između Evropske Zajednice i BiH, uzajamne preferencijalne ustupke za određena vina
- Određene tarifne kvote otvorene putem više Zakona o izmjenama i dopunama Zakona o carinskoj tarifi BiH (Službeni glasnik BiH 32/04, 76/06 i 35/09), Odlukom Vijeća ministara o utvrđivanju količina tarifnih kvota („Službeni glasnik BiH“, broj 2/09) i Odlukom o dopunama Odluke o utvrđivanju količina tarifnih kvota („Službeni glasnik BiH“, broj 102/09).

Odluka o usaglašavanju i utvrđivanju Carinske tarife BiH za 2010. godinu usvojena je na 106. sjednici Vijeća ministara održanoj 3.12.2009. godine i objavljena je u Službenom glasniku broj 100 od 23.12.2009. godine, sa primjenom od 1.01.2010. godine.

Navedeno čini pravni osnov za odobrenje kvote za šećer u 2010. godini.

Što se tiče odgovora na drugi dio pitanja, napominjemo da je Vijeće ministara na 106. sjednici održanoj 3.12.2009. godine donijelo Odluku o ponavljanju količina tarifnih kvota u 2009. godini koje se odnose na uvoz sirovog šećera od šećerne trske za rafinisanje a u skladu sa ovlaštenjima i uslovima propisanim zakonom, kojim je otvorena ova kvota, i to u količini od 50.000 tona. Radi potpunog odgovora na poslaničko pitanje, Ministarstvo vanjske trgovine i ekonomskih odnosa je pribavilo potrebne podatke od Uprave za indirektno oporezivanje sa danom 31.12.2009. godine i dostavlja sledeće podatke.

- Jedini korisnik navedene tarifne kvote je preduzeće STUDEN-AGRANA d.o.o. Brčko.
- Sa navedenim datumom uvezena je količina 49.797,14 tona u vrijednosti 32.556.401,58 KM.
- Nije ništa iskorišteno po Odluci o ponavljanju količina tarifnih kvota u 2009. godini, iz razloga koje je korisnik kvote naveo, da je za realizaciju Odluke, od njenog donošenja 3.12.2009. godine do kraja godine, ostavljeno manje od mjesec dana, u kom periodu je nemoguće organizovati kupovinu sirovog šećera u Brazilu, njegov transport brodom do Luke Ploče, za šta je potrebno, na osnovu dosadašnjeg iskustva 2-4 sedmice i dalje transport u BiH.
- Podsjećamo da je osnovni razlog za donošenje Zakona o dopuni Zakona o carinskoj tarifi BiH odnosno otvaranje kvota za uvoz sirovog šećera za rafinisanje, potreba da se domaćim proizvođačima šećera osiguraju približno isti uslovi privređivanja kao oni koje imaju proizvođači šećera u zemljama potpisnicama Sporazuma CEFTA i na taj način poveća korištenje instaliranih kapaciteta i zapošljavanje u Bosni i Hercegovini. Carinska stopa za šećer za rafinisanje iznosi 10+1%, dok se gotov šećer iz zemalja potpisnica Sporazuma CEFTA uvozi u Bosnu i Hercegovinu bez plaćanja carine. Ministarstvo vanjske trgovine i ekonomskih odnosa cijeni da je cilj zakona postignut, te da su finansijski efekti, oslobađanjem od plaćanja uvoznih dadžbina za sirovinu, postignuti korištenjem instaliranih kapaciteta i zapošljavanjem u BiH i omogućavanjem bh firmama da budu konkurentne na domaćem tržištu. Ističemo da je u ovom periodu primjene zakona došlo do znatnog povećanja cijene sirovog šećera na svjetskom tržištu, ali da je cijena finalnog proizvoda (rafinisanog šećera) u BiH 470 EUR/mt, u Hrvatskoj je 590 EUR/mt i u Srbiji 520 EUR/mt.